

Páiháliih peleh láá almottâm, ete toh iäráneh Tiänu ráđádállâmkodeest – eennâm- já meccituáluministeriö tuáivu, ete ráđádálmeh juátkojeh algâalgâlii juávhoiin

Suomâ Sämitigge já Tiänu kyelituálukuávlu láá almottâm, ete toh kiäsádâteh Tiänu ráđádállâmkodeest. Taan staatâräädi asättem ráđádállâmkode pargon lii uđâdiđ Taažâ virgeomâháiguin Tiänu kyelipiivdo pivdonjuolgâdusáid. Eennâm- já meccituáluministeriö tuáivu, ete kyelipivdoráđádálmijd pastaččii vala juátkiđ juávhoiin, mon staatâräädi lii asättâm.

Staatâräädi [nomâttij kiđđuv 2020](#) Suomâ airâskode ráđádálmáid, moh kyeskih Tiänu pivdonjuolgâdus uđâdmân. Suomâ airâskoodán kuleh airâseh eennâm- já meccituáluministeriöst, Laapi IJP-kuávdáást, riehtiministeriöst, olgoministeriöst, Tiänu kyelituálukuávlust sehe Sämitiggeest.

[Sämitigge já Tiänu kyelituálukuávlu láá 16.12.2022 almottâm](#), ete Tiänu kyelituálukuávlu lii meridâm kiäsádâttâđ ráđádálmijn já Suomâ Sämitigge kiedâvuš jieijâs čuávdus taan ohhoost. Páiháliijn peelijn lii tehálâš rooli ráđádállâmkodeest Tiänu tile, pivdon lohtâsejee vuáhâduvâi já sämmilij kyelipivdokulttuur tobden.

Sämitigge já Tiänu kyelituálukuávlu láá muštâlâm iäránem suijân eereeb iärrás jieijâs tulkkâm Taažâ virgeomâhái iävtuttâsâst luosâpiivdo kieldimist Tiänust 5–7 ihán. Eennâm- já meccituáluministeriö uáinu mielđ ráđádálmeh Taažáin láá ovdánâm, mutâ toh láá lijká vala koskân. Taan muddoost tohhum iävtuttâssáid iä lah vala juksâm ráđádállâmčuávdus. Ministeriö tuáivu, ete ráđádálmijd puávtáččii ain juátkiđ staatâräädi asättem juávhoiin, mast Sämitiggeest já Tiänu kyelituálukuávlust lii tehálâš rooli.

Tiänujuuvâ luosânäalih láá tuođâi hiäjus oornigist. Luosânaalij iälâskem keežild luosâpiivdo Tiänujuv čácâduvâst lii lamaš kieldum 2021 já 2022, já västideijee kiäldun kyeskee lahâiävtuttâs ihán 2023 lii eidu ovdâskode kiedâvušmist. Kyelipiivdo njuolgâdusâi ulmen lii luosânaalij iälâskem kilelis táásán, mii taha máhđulâžžân sämmilij kyelipivdokulttuur pajeentoolâm meid puáttee suhâpuolváid.

Raijiittâsâi čuávumuššân juvváid láá kuárŋum merhâšitteht eenâb luosah, ko verdid ihán 2020. Tääl meerâst mâcee luosâmeeri lii kuittâg nuuvt ucce, ete jyehi pivdum luosâ rikoččij biologâlijd kilelis kyelipiivdo prinsii pijd. Ko luosânäalih láá návť hiäjus oornigist, te iä lah luhostum kavnáđ torvolii vyevi ubâ uccâ kyelipiivdon. Ráđádálmeh taan-uv ääšist láá koskân. Raijiittâsâiguin láá halijdâm turviđ, ete puáttee suhâpuolvâin lii vuoigâdvuotâ ärbivuáválii kyelipiivdon.

Tiänujuuvâst láá geeniárbâduv peeleešt áinoošlajâsiih já mávsuliih luosânäalih, moi iälâskem lii tehálâš. Kuohtui staatâi totkeeh čuávuh aktiivlávť luosânaalij tile. Čuávum lasseen ráhtoo luosâst maangâpiälâsâš tutkâmuš, mon meid aneh heiviittemnjuolgâdusâi vuáđđun.

Lasetiäđuh:

pivdotuálurädiolmooš Vesa Ruusila, +358 295 162 051, vesa.ruusila(at)gov.fi

sierânâsâšsitobdee Irena Pirhonen, +358 295 162 069, irena.pirhonen(at)gov.fi